



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De imagine sanctae Mariae in lesse, cap. 47.

urn:nbn:de:hbz:466:1-13177

imaginibus sanctorum. CÆSARIUS: Multas sancti in suis, & per suas imagines virtutes operantur, maxime in illis locis ubi venerantur: nunquid non recordaris iuuenis apostata: iuxta Florefiam, qui per imaginem beatæ Virginis consecutus est indulgentiam? Similiter & sanctimonialis, quæ ab eius imagine alapsa suscepit, periculosa mœua sit temptationem. APOLLONIUS: Vtriusque bene memini, primi videlicet miraculi in distincto secunda, cap. 12. & secundi in distincto praesenti cap. 33. & stupor inuidit me, cum in lignis audio vocem ad loquendum, manus ad ferendum, corporis incutuationem, erectionem, sessionem, & reliquos motus vitales. Magis hæc admiror, quam loquelam asinæ contra Balaam, illa enim animam habebat motabilem; in lignis, lapidibus, siue metallis, nullus spiritus est. CÆSARIUS: Diuinus spiritus in creatura est per essentiam, & per potentiam, cui nihil impossibile est, & nihil miraculosum, qui ad honorem sanctorum suorum hæc & huiusmodi similia quotidie operatur. De imagine vero beatæ Virginis referam tibi quandam visionem mirificam, quæ ante hoc triennium facta est.

CAPUT XLVII.

IN introitu Frisiae, iuxta ciuitatem Gruningen, cœnobium quoddam sanctimonialium ordinis nostri de novo constructum est, vocabulo Iesse: quæ dictum sum, à Priore loci eiusdem audiui, & circa idem tempus imaginem ipsam vidi, & missam coram ipsa celebraui: est enim opere angelico decēter exsculpta, effigiem representans beatæ virginis filium in gremio tenentis. Die quadam, cum custos candelam quæ ante illam ardebat, dicta missa extinxisset, & duo carpentarij oratorium, propter opus suum intrantes, illam reaccensam reperissent, dixerunt Priori: Domine, nisi moneatis Custodem, ut cautæ sit circa extinctionem huius candelæ, oratorium perdetis; omnia enim lignea sunt, altare scilicet, candelabrum, parietes. Vocata est illa & culpata, negauit, & extinxit. Carpentarij denouo ingressi, cum prædictam candelam rursum ardere

ardere videret, & mox hoc Priori prodidissent, ita
durè satis inuetus est in illam: qui certus effectus ex
verbis eius de extinctione, iussit ne deinceps extin-
gueret illam, scire volens quid portenderet. Tota illa
die & sequenti nocte coram imagine praedicta arde-
bat candela, & in manè, vix ad longitudinem dimidi
articuli manus, fuerat consumpta. In festiuitate beati
Andreae Apostoli, cum unus ex praefatis carpentarijs,
vir simplex ac deuotus, modò in eodem cenobio con-
ueritus, ad missas staret, & sacerdos euangelium inci-
peret, imago Salvatoris, ipso intuente, de finu matris
in quo sedebat, se erigens, coronam de capite eius tu-
lit, eamque suo capiti imposuit; dicto verò Euāglio,
cum ventum fuisse ad illum locum symboli; Et ho-
mo factus est, coronam materno capiti restituit, & re-
sedit. Hac cum simplex ille homo vidisset, & de noui-
tate visionis expauisset, ait intra se: Melius est ut ta-
ceas; si dixeris, non creditur tibi. Cumque in festo san-
cti Nicolai eadem visionem, eodem modo, quo prius
vidisset, diuinam timens offensam incurrere, si tace-
ret, Priori visa per ordinem recitauit: & quia locum
repositionis coronæ exprimere non poterat, vt pote
laicus, interrogatus de hoc, respondit: Quando no-
minata fuit Maria. Mox Priori occurrit, quod in festo
confessoris, Ecclesia Credo in unum Deum, dicere nō
consueuerit: vocansque socium suum, ait: Dixistis vos
missam in conuentu in die sancti Nicolai? ipse tunc
domi non erat: respondentे illo: etiam; subjunxit, di-
xistis, Credo in unum? Dixi, inquit: & Prior, non recte
fecistis, non enim Apostolus fuit. Ad quod verbum il-
le respondit: Certè ego sanctum Nicolaum aequalē
habeo multis Apostolis, sicque Prior de visione cer-
ficatus est. AROLLONIVS: Mysterium huius visionis
nosse desidero. CÆSARIVS: Diadema regium videtur
hoc loco signare carnem Virginis gloriosam, quam
de semine traxit regis, Christus verò coronam ma-
ternam capiti proprio imposuit, cum per sacramentū
incarnationis carnem de Virgine sumptam, sua diui-
nitati vniuit. Vnde ad considerationem tanti mysterij

Spiritus

Sp̄iritus sanctus nos inuitans, dicit in Cantit̄is Cantitorum: Egressimini filiae Sion, & videte regem Salomonem, id est, Christum verum pacificum, in diademate, hoc est carne humana, quo coronauit eum mater sua, Virgo Maria in die desponsationis eius, quādo Angelo nunciante, in eius utero cœlestes celebratæ sunt nuptiæ inter naturam diuinam & humanam. Per hoc autem, quod ad illa verba: Et homo factus est, coronam materno capiti reposuit, dicere videbatur; Mater, sicut per te particeps factus sum humanæ substantiæ, sic tu per me particeps facta es naturæ diuinæ; Christi enim, qui Deus est & homo, corpus sumus & membra. Hæc de perfectorum consolatione dicta sint per sacram eius imaginem. Audi nunc aliud genus cōsolationis de hoc q̄ in exordio huius distinctionis dictum est, apud ipsam esse electuaria confortatiua.

CAPVT XLVIII.

Fuit in ordine nostro quidam physicus, magis habitu quam actu monachus, occasione medicinæ per prouincias discurrens, & vix unquam, nisi in præcipuis festiuitatibus, ad monasterium reuertens. In quadam sanctæ Dei genitricis solennitate, cū nocte staret cum alijs ad psallendum, ipsa Virgo beatissima, multa claritate circumfusa, chorum, ipso vi-dente, intravit, psallentes circuiuit, & de pixide, quam in manu portabat, electuarium per cochlear hauriēs, singulis in os mittebat; ad ipsum vero veniens, cū pertransiret & diceret, tu de meo electuario non indiges, quia medicus es, & plurimas tibi impendis consolationes, ille tristis transeuntem oculis sequebatur, culpam recognoscens. Ab illo tempore, non nisi per obedientiam coactus de monasterio egredi cōsensit, & omnes corporales consolationes sibi temperavit. In proxima sua solennitate, Domina nostra prædicto modo famulos suos visitans, postquam ad medicum venit, gradum fixit, & ait: Quia te emendasti, tuis medicamentis mea præferens, ecce de meo electuario, sicut cæteris, tibi impertior: de quo ut gustauit, mox tantum dulcedinis ac deuotionis concepit, ut dein-cep̄t.

B. Virgo
cōfortat
cultores
suos.